



ՀԱՅԿԱԿԱՆ ՍՍՌ ԳԵՐԱԳՈՒՅՆ ՍՈՎԵՏԻ ՊԱՏՎՈԳՐԻ ՊԱՇՏՈՆԱԿԱՆ ՀԱՆՁՆՈՒՄԸ ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ

Դեկտեմբերի 2-ին, հինգշաբթի, առավոտյան ժամը 12-ին, Հայկական ՍՍՌ Գերագույն սովետի նախագահության նախագահ Ն. Հարությունյանը, հանդիսավոր իրադրության մեջ, նախագահական պալատում, Հայաստանի Հանրապետության Գերագույն սովետի պատվոգիրը հանձնեց Վեհափառ Հայրապետին, հանուն խաղաղության մղվող պայքարում ակտիվ գործունեության համար:

Հանդիսության ներկա էին Հայկական ՍՍՌ Գերագույն սովետի նախագահության տեղակալներ Հ. Մարգարյանը, Վ. Նալբանդյանը, Զ. Վելիբեկովը, Հայկական ՍՍՌ Մինիստրների սովետին առընթեր Հայ Եկեղեցու գործերի խորհրդի նախագահ Կ. Դալլաբյանը, տեղակալ Ս. Հովհաննիսյանը, խորհրդի անդամ Բ. Առաքելյանը, Սփյուռքի հետ մշակութային կապի կոմիտեի նախագահ Վ. Համազասպյանը, Հանրապետության խաղաղության պաշտպանության կոմիտեի նախագահ Ն. Զարյանը և ուրիշներ:

Վեհափառ Հայրապետին ընկերակցում էին Մայր Տաճարի լուսարարապետ գերաշնորհ Տ. Հուսիկ եպիսկոպոս Սանթուրյանը, Գերագույն Հոգևոր Խորհրդի անդամ Միքայել Մազմանյանը, Հոգևոր ձեռնարանի վերատեսուչ Ներսես Ժայրագույն վարդապետ Պողապալյանը, գավազանակիր Արսեն վարդապետ Բերբերյանը, դիվանապետ Հայկ Առաքելյանը և «Եջմիածին» ամսագրի գլխավոր խմբագիր Արթուր Հատիսյանը:

Հանդիսության ընթացքում հոտնկայս ընթերցվեց Հայկական ՍՍՌ Գերագույն սովետի նախագահության հոկտեմբեր 28 թվականի հրամանագիրը Ամենայն Հայոց Հայրապետին պատվոգրով պարգևատրելու մասին:

Այնուհետև Հանրապետության մեծարգո նախագահ Ն. Հարությունյանը, խանդավառ մթնոլորտում, հանձնելով պատվոգիրը Վեհափառ Հայրապետին, ասաց.

«Թույլ տվեք Սովետական Հայաստանի Գերագույն սովետի նախագահության և մեր Հանրապետության կառավարության անունից ի սրտե ու ջերմորեն շնորհավորել Ձեզ Հայկական Սովետական Սոցիալիստական Հանրապետության Գերագույն սովետի պատվոգրով պարգևատրվելու առթիվ:

Մեր Հանրապետության այս բարձր պարգևը հանձնելուց հետո, ես կկամենայի մաղթել Ձեզ քաջառողջություն, անսպառ հոանդ ու հոգեկան կորով՝ խաղաղության պահպանման Ձեր արգասավոր ու հայրենանվեր գործունեության համար:

Ձեր այդ բեղմնավոր գործունեությունն արժանավայել գնահատվեց, որի լավագույն վկայությունը խաղաղության համաշխարհային խորհրդի կողմից Ձեզ շնորհված մեդալն է:

Եվ այսօր, հանձնելով Ձեզ Հայկական Սովետական Սոցիալիստական Հանրապետության Գերագույն սովետի պատվոգիրը, ես կկամենայի այստեղ նշել, որ հայ ժողովուրդը թեև միշտ ունեցել է իր կյանքի գերագույն խորհուրդը, բայց դարեր շարունակ չի ունեցել պետական Գերագույն խորհուրդ, նա ունեցել է զարգացած մշակույթ ու դիտություն, բայց չի ունեցել գիտությունների ակադեմիա, նա եղել է միշտ ստեղծարար ու խաղաղասեր մի ժողովուրդ, բայց երբեք չի ունեցել խաղաղ ու ապահով կյանք:

Եվ այսօր նա ունի այդ ամենը: Նա ունի, որովհետև հայ ժողովրդի ազգային վերածնունդը, որի փառապանծ 45-րդ տարեդար-



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱԳԱՀ ՆԱԳՈՒՇ ՀԱՐՈՒԹՅՈՒՆՅԱՆԸ ԵՆՈՐՀԱՎՈՐՈՒՄ Է
ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ

ծր մենք նշեցինք օրերս, նրա բոլոր հաղթանակներն ու հաջողությունները արդյունք են կոմունիստական մեծագործ կուսակցության լենինյան աղգային քաղաքականության անշեղ կենսագործման, մեր ժողովրդի հերոսական աշխատանքի և ստեղծագործական խիզախումների, սովետական մեր մեծ հայրենիքի բոլոր եղբայրական ժողովուրդների անսասան բարեկամության ու սերտ համագործակցության:

Եվ ժողովուրդների այդ անխախտելի միասնության ու հղորության, մեր պետության խաղաղասիրական քաղաքականության մեջ է հայ ժողովրդի հարատևության և բարփավաճման մեծագույն երաշխիքը:

Թույլ տվեք կրկին անգամ սրտագին ու ջերմորեն ողջունել և ցանկալ Ձեզ նորանոր հաջողություններ խաղաղության պաշտպանության Ձեր աղնիվ ու մարդասիրական գործունեության մեջ, հանուն մեր ժողովրդի բարփավաճման ու ծաղկման:

Ամենայն Հայոց Վեհափառ Հայրապետը, ընդունելով կառավարական բարձր պարգևը, ասաց.

«Մեծագո և շատ սիրելի նախագահ մեր.

Հայոց Հայրապետի սրտի համար անհուն մխիթարություն է և մեծ պատիվ, ա՛յս հարկի տակ և այսքան ջերմ մթնոլորտի մեջ, անձամբ Ձեր ձեռամբ ստանալ բարձր զնահատանքի պաշտոնական գիրը մեր հայրենի հարազատ կառավարության:

Հաճեցեք ընդունել Մեր հարգալիք շնորհակալությունը:

Պատիվը, որ կընծայվի Մեզ, քաղցրորեն առավել կպարտավորեցնի Մեզ և Մեր բոլոր գործակիցներին, նոր եռանդով ու լավատեսությամբ շարունակելու մեր աշխատանքը, ծառայելու համար Հայաստանյայց Եկեղեցուն, հայ ժողովրդին ու հայրենիքին և աշխարհի խաղաղության դատին:

Արևոտ ու խաղաղ երկնքի տակ, թո՛ղ ապրի ազատ, թո՛ղ աճի հարատև և միշտ առաջ ընթանա մտքի լույսով ու բարի ձեռքերով կառուցող ժողովուրդը մեր, խորհրդային մեծ եղբայրության հղոր ու ապահով հովանու ներքո:

Պատմական ու անմահ Ս. Էջմիածնից և Մեր սրտից, մեր հայրենի կառավարության և Ձեզ, թանկագին՝ նախագահ, ամենաջերմ մաղթանքներ, հարգանք և օրհնություն:

Այնուհետև Հանրապետության պր. նախագահի, Վեհափառ Հայրապետի և բոլոր ներկաների միջև տեղի ունեցավ ջերմ դրույց մտերմիկ մթնոլորտում:

Ժամը 1-ին, Վեհափառ Հայրապետը հրաժեշտ է առնում Իր շքախմբի անդամների հետ Հայկական ՍՍՌ Գերագույն սովետի նախագահության նախագահ պր. Ն. Հարությունյանից, հանդիսության ներկա պաշտոնական անձանձից, մի անգամ ևս սրտանց շնորհակալություն հայտնելով բարձր պարգևի համար և վերադառնում Մայր Աթոռ:

5159-311

